

Bosna i Hercegovina
Federacija Bosne i Hercegovine
Unsko-sanski kanton
Općina Bosanska Krupa
Jedinstveni općinski organ uprave Općine Bosanska Krupa

Broj: 10-11-7-4878/20
Bosanska Krupa, 5.8.2020. godine

Na osnovu člana 8. Programa podrške subjektima male privrede zbog posljedica izazvanih pandemijom koronavirusa (COVID-19) u 2020. godini („Službeni glasnik Općine Bosanska Krupa“, broj: 6/20), Općinski načelnik Općine Bosanska Krupa, objavljuje

II JAVNI POZIV

**za dodjelu budžetskih sredstava za isplatu dijela plaća za period
18.3.-12.5.2020. godine po Programu podrške subjektima male privrede
zbog posljedica izazvanih pandemijom koronavirusa (COVID-19)**

I PREDMET JAVNOG POZIVA

Pozivaju se subjekti male privrede (pravna i fizička lica) kojima je zabranjen rad prema naredbama štabova civilne zaštite da se prijave na ovaj Javni poziv za dodjelu nepovratnih sredstava koja će se koristiti kao refundacija za isplaćene plaće za period 18.3.-12.5.2020. godine po svakom zaposlenom u iznosu od 800,00 KM.

II PRAVO UČEŠĆA

Prijavu na Javni poziv mogu podnijeti subjekti male privrede (pravna i fizička lica) sa područja Općine Bosanska Krupa, a koji ispunjavaju sljedeće uvjete:

- a) da su registrovani na području Općine Bosanska Krupa (sa sjedištem u Općini za zaposlenike koji su prijavljeni sa mjestom rada na području Općine i poslovne jedinice drugih subjekata za zaposlenike koji su prijavljeni sa mjestom rada na području Općine);
- b) da im je zabranjeno obavljanje djelatnosti naredbama štabova civilne zaštite;
- c) da imaju izmirene obaveze po bilo kom osnovu prema Općini Bosanska Krupa zaključno sa 31.12.2019. godine;
- d) da imaju kod Porezne uprave Federacije Bosne i Hercegovine prijavljene zaposlene za period 18.3.-12.5.2020. godine u kontinuitetu i
- e) da nisu ostvarili pravo na sredstava Budžeta Unsko-sanskog kantona za isplatu dijela plaća za mjesec mart i dijela plaća za mjesec april 2020. godine.

Pravna i fizička lica ne ostvaruju pravo na novčanu podršku utvrđenu ovim Programom za zaposlenike kojima je istekao ugovor o radu ili koji su sporazumno prekinuli radni odnos ili koji više ne rade kod poslodavca u skladu sa pozitivnim zakonskim propisima, kao ni pravna i fizička lica koja su ostvarila pravo na novčanu podršku iz sredstava Budžeta Unsko-sanskog kantona za isplatu dijela plaća za mjesec mart i dijela plaća za mjesec april 2020. godine.

Pravna i fizička lica koja se nalaze na Listi korisnika sredstava koja ispunjavaju uslove Javnog poziva za dodjelu budžetskih sredstava za isplatu plaća za period 18.3.- 12.5.2020. godine po Programu podrške subjektima male privrede zbog posljedica izazvanih pandemijom koronavirusa (COVID19) od 27.7.2020. godine nemaju pravo učešća na ovom javnom pozivu.

III PRIJAVA PO JAVNOM POZIVU

Prijava na Javni poziv se vrši putem Prijavnog obrasca koji je dostupan na web stranici Općine Bosanska Krupa www.opcinabosanskakrupa.ba, podnosi se samo za one zaposlene koji su prijavljeni sa mjestom rada na području Općine Bosanska Krupa.

Uz prijavu na Javni poziv za učešće u Programu potrebno je dostaviti sljedeću dokumentaciju:

- Sudsko rješenje o registraciji privrednog društva (za pravne osobe) ili Rješenje o registraciji djelatnosti od nadležnog općinskog organa (za fizička lica),
- Uvjerenje o poreznoj registraciji – ID broj,
- Obavijest o razvrstavanju subjekata prema djelatnosti (FBIH Zavod za statistiku),
- Dokaz iz poslovne banke o broju transakcijskog računa,
- Uvjerenje Porezne uprave o broju zaposlenih radnika u periodu 18.3.2020. – 12.5.2020.godine,
- ukoliko pravno ili fizičko lice obavlja više djelatnosti dužno je dostaviti ovjeren spisak zaposlenih, razvrstano po poslovnim jedinicima (djelatnostima) koje obavljaju (Spisak sačinjava i ovjerava zainteresirano pravno ili fizičko lice).

Priloženi dokumenti se predaju u originalu ili kopiji.

Općina Bosanska Krupa zadržava pravo provjere navoda iz prijavnog obrasca kod nadležnih institucija.

IV OBRADA PRIJAVA I DODJELA SREDSTAVA

Komisija za izbor korisnika će obraditi prispjele prijave u pogledu ispunjavanja uslova iz ovog Programa i na osnovu propisanih kriterija iz Javnog poziva, sačiniti Listu korisnika sredstava i Listu subjekata male privrede čije su prijave neblagovremene, nepotpune i neosnovane. Liste se objavljuju na web stranici Općine www.opcinabosanskakrupa.ba i oglasnim pločama Općine Bosanska Krupa.

Na objavljene liste svi kandidati imaju pravo prigovora koji se podnosi Općinskom načelniku u pisanoj formi u roku od pet (5) dana od dana objavljivanja listi na web stranici i oglasnim pločama Općine Bosanska Krupa, a predaje se neposredno na protokol Jedininstvenog općinskog organa uprave ili putem pošte.

Nakon isteka roka za prigovor i nakon rješavanja po uloženim prigovorima Općinski načelnik donosi Konačnu listu pravnih i fizičkih lica koja su ostvarila pravo na novčanu podršku i ista se objavljuje na web stranici i oglasnim pločama Općine Bosanska Krupa.

Na osnovu Konačne liste Općinski načelnik donosi pojedinačne odluke o isplati sredstava pravnim i fizičkim licima.

V DOSTAVLJANJE PRIJAVA

Prijave sa potrebnom dokumentacijom dostavljaju se neposredno na protokol Općine Bosanska Krupa ili putem pošte, na adresu: Općina Bosanska Krupa, Ulica Terzića bb, 77240 Bosanska Krupa, sa naznakom „NE OTVARATI“ – prijava po Javnom pozivu za dodjelu sredstava po Programu podrške subjektima male privrede zbog posljedica izazvanih pandemijom koronavirus (COVID -19).

Rok za podnošenje prijave je 15 (petnaest) dana od dana objave Javnog poziva na web stranici i oglasnim pločama Općine Bosanska Krupa.

Neblagovremene i nepotpune prijave neće se uzimati u razmatranje.

Obradivač: Esma Hergić

Dostaviti:

1. Oglasne ploče
2. Službena web stranica Općine
3. U spis
4. a/a



PO OVLAŠTENJU OPĆINSKOG NAČELNIKA
ŠEF SLUŽBE KABINETA
OPĆINSKOG NAČELNIKA
Kasim Šertović